



新年頭還有佛法也無

開元禪寺 證

峯

標題語句出五燈會元明教禪師章。原文錄左。

僧問師寬明教禪師曰。新年頭還有佛法也無。師曰。無。因還有佛法也無。師曰。無。曰

日日是好日。年年是好年。爲甚却無。師曰。張公喫酒李公醉。

僧向明教禪師問曰。新年頭未嘗有佛法或無佛法。師應曰。無佛法。僧駁曰。禪門有語云。日日是好日。年年是好年。何獨年頭無佛法。師答曰。張公喫酒李公醉。末後一句可謂說得心通。

夫以禪宗立場觀之。確是日日好日年年好年。無分月初月末年始年終。然此僧信

仰未堅。故懷疑惑。於是乎有新年頭還有

佛法也無之間。昔日夾山與定山同行。定

山曰。生死中無佛。卽無生死。夾山曰。生

死中有佛。卽不迷生死。二人互相不肯。同上大梅。夾山乃問曰。不知那箇親那箇

疎。大梅禪師曰。一親一疎。夾山曰。未

審那箇親。師曰。且去明日來。夾山來日上方丈再問。師曰。親者不問。問者不親。來山住院後曰。我當初在大梅失却一隻眼。此僧則與未親時之夾山大有相類處。

明教答無。是知其根基而道者。僧還不得會。遂發第二問。亦當然也。

張公喫酒李公醉。與南山起臺北山下兩義同。謂萬物自然之交參。無爲之妙契。絕

自他相。一理齊平。由是觀之。日無好惡之分。年豈有吉凶之別。是卽佛法也。佛生豈依時節而生滅增減乎。故答曰無。無乃超絕二見之無。非有無之無也。

更以平易義解釋之。無則有無之無。謂人若非離僞息妄。雖新年頭也不能飽喫法悅。達到智慧雙修之妙地。反與濶酒者同。醉則雖生曠狂。故諺云。醉生夢死。李翁已醉。定爲久飲過量。張翁不能引以爲鑑。而更飲之。其醉倒也必矣。若是者毀腦傷身。自招其死。雖諸佛菩薩不能救之。故云無佛法。爲引迷者入悟而言之。非真無佛法也。景德傳燈錄大善和尚章云。

僧問大善和尚曰。如何是佛法大意。師云。春日鷄鳴。

其明證也。聊述所感。權作年頭賀章。願諸君工夫之。